





絕妙好詞箋卷五

弁陽老人周密原輯

宛平查為仁

同箋

錢唐厲鶚

陳允平

允平字君衡一字衡仲四明人著有西麓詩藁一卷繼

周集一卷日湖漁唱二卷

張叔夏云詞欲雅而正志之所之一為物役則失其雅正之音近代陳西麓所作平正亦有佳者

絳都春

鞦韆倦倚正海棠半坼不奈春寒  
殢雨弄晴飛梭庭院繡簾

閒梅妝欲試芳情嬾翠顰愁入眉  
彎霧蟬香冷霞綃淚搵恨

襲湘蘭悄悄池臺步晚任紅醺  
杏靨碧沁苔痕燕子未來

東風無語又黃昏琴心不度春雲  
遠斷腸難託嗁鴉夜淡猶

倚垂楊二十四闌

日湖漁唱自注云舊上聲韻今改平聲

瑞鶴仙

燕歸簾半捲正漏約瓊籤笙調玉瑄蛾眉畫來淺甚春衫懶  
試夜燈慵翦香溫夢暖訴芳心芭蕉未展眇雙波望極江空  
二十四橋凭徧蔥蒨銀屏綵鳳霧帳金蟬舊家坊院煙花  
弄晚芳草恨斷魂遠對東風無語綠陰深處時見飛紅數片  
算多情尚有黃鸝向人睨睨

思佳客

錦幄沈沈寶篆殘惜春無語倚闌干庭前芳草空惆悵簾外  
飛花自往還金屋靜玉簫閒一樽芳酒駐紅顏東風落盡

餘蘼雪滿地清香夜不寒

戀繡衾

多情無語斂黛眉  
寄相思偏仗柳枝待折向樽前  
唱奈東風吹作絮飛  
歸來醉抱琵琶睡  
正酒醒香盡漏移無賴是梨  
花夢被月明偏照翠帷

唐多令

休去采芙蓉  
秋江煙水空帶斜陽  
一片征鴻欲頓閒  
愁無頓處都著在  
兩眉峯  
心事寄題紅畫橋  
流水東斷腸人無奈

秋濃回首層樓歸去  
嬾早新月挂梧桐

滿江紅

和清真韻

目斷煙江相思字難憑  
雁足從別後翠眉慵  
嫵素腰如束困

倚牙牀春繡嬾釧金斜隱香腮肉晝漸長誰與對文枰翻新  
局 枝上鵲心期卜芳草暗西廂曲謝多情海燕伴愁華屋  
明月空圓雙蝶夢絲雲難駐孤鸞宿任畫簾不捲玉鉤閒楊  
花撲

秋藥香

晚酌宜城酒煖玉輦嫩紅湖面醉中窈窕度嬌眼不識愁淡  
愁淺 繡窗一縷香絨綫繫雙燕海棠滿地夕陽遠明月笙

歌別院

欲寄相思愁苦倩流紅去淚花寫不斷離懷都化作無情雨

渺渺莫雲江樹淡煙橫素六橋飛絮夕陽西盡總是春歸

處

垂楊

銀屏夢覺漸淺黃嫩綠一聲鶯小細雨輕塵建章初閉東風  
 悄依然千樹長安道翠雲鎖玉窗淡窈斷腸人空倚斜陽帶  
 舊愁多少 還是清明過了任煙縷露條碧織青嫋恨隔天  
 涯幾回惆悵蘇隄曉飛花滿地誰為掃甚薄倖隨波縹緲縱  
 嗁鶻不喚春歸人自老

詞旨警句燕子未來東風無語又黃昏琴心不度春雲  
 遠斷腸難託嗁鶻夜淡猶倚垂楊二十四闌絳都春寄  
 相思偏仗柳枝待折向樽前唱怕東風吹作絮飛戀繡  
 衾

日湖漁唱齊天樂澤國樓偶賦云湖光偶在闌干外  
 凭虛遠迷三楚舊柳猶青平蕪自碧幾度朝昏煙雨  
 天涯倦旅愛小卻遊鞭共揮談塵頓覺塵清宦情高  
 下等風絮芝山蒼翠縹緲黯然仙夢杳吟思飛去故

國樓臺斜陽巷陌回首白雲何處無心訪古對雙塔  
 棲鴉半汀歸鷺立盡荷香月明人笑語綺羅香秋雨  
 云鴈字蒼寒蛩疏翠冷又是淒涼時候小揭珠簾衣  
 潤唾花羅皺饒曉鶯獨立衰荷迥歸燕尚棲殘柳想  
 黃花羞澀東籬斷無新句到重九孤檠清夢易覺腸  
 斷唐宮舊事聲迷宮漏滴入愁心秋似玉樓人瘦煙  
 檻外催下梧桐帶西風亂捎鴛鴦記畫簷燈影沈沈  
 共裁春夜非  
 張炎山中白雲解連環拜陳西麓墓云句章城郭問  
 千年往事幾回歸鶴歎貞元朝士無多又日冷湖陰  
 柳邊門鑰向北來時無處認江南花落縱荷衣未改  
 病損茂陵終是蕭索山中故人去卻但碎寒峴首舊  
 景如昨悵二喬空老春深正歌斷簾空草昏銅雀楚  
 魄難招被萬疊閒雲迷著料應是聽風聽雨朗吟夜  
 壑原注山中樓扁萬疊雲

張

樞

樞字斗南號寄閒西秦人居臨安循王之後善詞名世  
 子炎能傳其家學見鄧牧伯牙琴

瑞鶴仙



捲簾人睡起放燕子歸來商量春事風光又能幾減芳菲都  
在賣花聲裏吟邊眼底披嫩綠移紅換紫甚等閒半委東風  
半委小溪流水 還是苔痕湔雨竹影留雲待晴猶未蘭舟  
靜艤西湖上多少歌吹粉蝶兒守定落花不去溼重尋香兩  
翅怎知人一點新愁寸心萬里

風入松

春寒嬾下碧雲樓花事等閒休紅絲溼透鞦韆索記伴仙曾  
倚嬌柔重疊黃金約臂玲瓏翠玉搔頭 熏爐誰熨煖衣篝  
消遣酒醒愁舊巢未著新來燕任珠簾不上瓊鉤何處東風  
院宇數聲揭調甘州

南歌子

柳戶朝雲溼花窗午篆清東風未放十分晴留戀海棠顏色  
過清明 壘潤棲新燕籠深鎖舊鶯琵琶可是不堪聽無奈  
愁人把做斷腸聲

謁金門

春夢怯人靜玉闈平帖睡起眉心端正貼綽枝雙杏葉重  
整金泥蹀躞紅皺石榴裙褶款步花陰尋蛺蝶玉纖和粉捻  
慶宮春

斜日明霞殘虹分雨輒風淺掠蘋波聲冷瑤笙情疏寶扇酒  
醒無奈秋何彩雲輕散漫敲缺銅壺浩歌眉痕畱怨依約遠  
峯學斂雙蛾 銀牀露洗涼柯屏掩香銷忍掃裯羅楚驛梅  
邊吳江楓畔庾郎從此愁多草蟲喧砌料催織迴文鳳梭相

思遙夜簾捲翠樓月冷星河

壺中天

月夕登繪幃堂與貧房各賦一解

雁橫迴碧漸煙收極浦漁唱催晚臨水樓臺乘醉倚雲引吟  
情間遠露脚飛涼山眉鎖暝玉宇冰匳滿平波不動桂華低  
印清淺應是瓊斧脩成鉛霜擣就舞霓裳曲徧窈窕西窗  
誰弄影紅冷芙蓉淡苑賦雪詞工畱雲歌斷徧惹文簫怨人

歸鶴唳翠簾十二空捲

周密贅洲漁笛譜瑞鶴仙湖上繪幅堂云翠屏圍畫錦  
正柳纖煙綃花明春鏡層闌幾回凭看六橋煙曉兩隄  
鷗暝晴嵐隱隱映金碧樓臺遠近謾曾誇萬幅丹青畫  
幅畫應難盡那更波涵月影露裊蓮妝水描梅影調朱  
弄粉憑誰寫四時景問玉匳西子山眉波盼多少濃施  
淡暈算何如付與吟翁緩吟細品按弁陽詞繪幅堂在  
湖上考武林舊事諸書不載始末未詳  
詞旨屬對金谷移春玉壺賤暖擁石池臺約花闌檻

警句甚等閒半委東風半委小溪流水瑞鶴仙粉蝶兒  
守定落花不去溼重尋香兩翅同上雲引吟情間遠壺  
中天

詞眼移紅換紫

陳允平日湖漁唱木蘭花慢和李箕房題張寄問家  
圃韻云愛吟休問瘦為詩句幾憑闌有可畫亭臺宜  
春帳笛如寄身閒胸中四時勝景小蓬萊幻出五雲  
間一掬蘋香暗沼半梢松影虛壇相看倦羽久知還  
回首鷺盟寒記步履尋雲呼燈聽雨越嶺吳巒幽情  
未應共嬾把周郎舊曲譜新翻簾外垂楊自舞為君  
時按弓彎

### 李演

演字廣翁號秋堂有盟鷗集

摸魚兒 太湖

又西風四橋疏柳驚蟬相對秋語瓊荷萬笠花雲重嫋嫋紅  
衣如舞鴻北去渺岸芷汀芳幾點斜陽字吳亭舊樹又繫我

扁舟漁鄉釣里秋色淡歸鷺  
長干路草莽疏煙斷野商歌  
如寫羈旅丹溪翠岫登臨事  
苔屐尚黏蒼土鷗且佳怕月冷  
吟魂婉冉空江暮明燈暗浦  
更短笛銜風長雲弄晚天際畫  
秋句

聲聲慢

問梅孤山

輕鞦繡谷柔屐煙隄六年遺賞  
新續小舫重來惟有寒沙鷗  
熟徘徊舊情易冷但溶溶翠波  
如縠愁望遠甚雲銷月老莫  
山白綠  
嘖笑人生悲樂且聽我樽前  
漁歌樵曲舊閣塵封  
長得樹陰如屋淒涼五橋歸路  
載寒秀一枝疏玉翠袖薄晚  
無言空倚脩竹

遂昌雜錄云錢唐湖上舊多行樂處西太乙宮四聖觀  
皆在孤山西太乙成後西出斷橋夾蘇公隄皆植花柳

時時有小亭館可憇宮有景福之門迎眞之館黃庭之  
殿結構之巧丹牖之麗眞擅蓬萊道山之勝余童時尚  
記孤山之陰一小亭在高阜上曰歲寒繚亭皆古梅下  
臨水曰挹翠閣上下皆拱斗砌成極爲宏麗

醉桃源

題小扇

雙鴛初放步雲輕香簾蒸未晴杏鎔暗淚結紅冰畱春蝴蝶  
情寒薄薄日陰陰錦鳩花底鳴春懷一似草無憑東風吹  
又生

南鄉子

夜宴燕子樓

芳水戲桃英小滴燕支浸綠雲待覓瓊觚藏綵信流春不似  
題紅易得沈天上許飛瓊吹下蓉笙染玉塵可惜素鸞畱  
得更淡誤翦燈花斷了心

八六子

次箕房韻

乍鷗邊一番腴綠流紅又怨蘋花看晚吹約晴歸路夕陽分  
落漁家輕雲半遮 縈情芳草無涯還報舞香一曲玉瓢幾  
許春華正細柳青煙舊時芳陌小桃朱戶去年人面誰知此  
日重來繫馬東風淡墨敲鴉黯窗紗人歸綠陰自斜

祝英臺近

次箕房韻

莫 崙

崙字子山號兩山江都人寓家丹徒度宗咸淳四年陳  
文龍榜進士見正德丹徒縣志

水龍吟

鏡寒香歇江城路今度見春全嬾斷雲過雨花前歌扇梅邊  
酒淺離思相欺萬絲縈繞一襟銷黯但年光暗換人生易感  
西歸水南飛雁也擬與愁排遣奈江山遮攔不斷嬌語夢  
語溼熒唬袖迷心醉眼繡轂華裯錦屏羅薦何時拘管但良  
宵空有亭亭霜月作相思伴

玉樓春

綠楊芳徑鶯聲小簾幙烘香桃杏曉餘寒猶峭雨疏疏好夢  
自驚人悄悄憑君莫問情多少門外江流羅帶繞直饒明  
日便相逢已是一春閒過了

生查子



三兩信涼風七  
分圓月愁緒到今年又與前年別  
容易寒燭暗相將滅欲識此時情聽取鳴蛩說  
衾單

卜算子

紅底過絲明綠外飛絲小不道東風上海棠白地春歸了  
月笛曲闌畱露鳥芳池繞爭得閒情似舊時徧索簷花笑

詞旨警句但良宵空有亭亭霜月作相思伴 水龍吟

丁 宥

宥字基仲號罔菴

水龍吟

雁風吹裂雲痕小樓一綫斜陽影殘蟬抱柳寒蛩入戶淒音  
忍聽愁不禁秋夢還驚客青燈孤枕未更淡早是梧桐泣露

那更度蘭宵永 空歎銀屏金井 醉鄉醒溫柔鄉冷 征塵倦

撲開花謾舞何心 管領蔥指冰絃 蕙懷春錦楚梅風韻 悵芙

### 蓉城杳藍雲依黯鎖巫峯暝

吳文英夢窗甲橐高山流水丁基仲側室善絲桐賦詠

曉達音律備歌舞之妙云素絃一起秋風寫柔情都

在春蔥微外斷腸聲霜霄暗落驚鴻低顰處翦綠裁紅

仙郎伴新製還賡舊曲映月簾櫳似名花並蒂日日醉

春濃吳中空傳有西子應不解換徵移宮蘭蕙滿襟懷

唾碧總噴花茸後堂淡想費春工客愁重時聽蕉寒雨

碎淚溼瓊鍾恁風流也稱金屋 嬌慵按基仲水龍吟

蔥指冰絃蕙懷春錦又云悵芙蓉城杳當是悼其側室

而作觀夢窗詞可證也

詞旨屬對疏綺籠寒淺雲樓月蟬碧句花雁紅攢月

警句雁風吹裂雲痕小樓一綫斜陽影水龍吟清陰一

架顆顆蒲萄醉花碧六么令

### 儲 詠

詠字文卿號華谷雲閒人著華谷祛疑說

齊天樂

東風一夜吹寒食紅片枝頭猶戀宿酒初醒新吟未穩凭久  
闌干畱暖將春買斷恨苔徑榆階翠錢難貫陌上鞦韆相逢  
難認舊時伴輕衫粉痕褪了絲綠餘夢在良宵偏短柳綫  
穿煙鶯梭織霧一片舊愁新怨慵拈象管待寄與淡情怎憑  
雙燕不似楊花解隨人去遠

趙汝迕

汝迕字叔午一作叔魯號寒泉樂清人登嘉定進士命  
判雷州謫官而卒宋史宗室世系表商王元份八世孫  
善圻第三子

清平樂

初鶯細雨楊柳低愁縷煙浦花橋如夢裏猶記倚樓別語

小屏依舊圍香恨拋薄醉殘妝判卻寸心雙淚爲他花月淒

涼

樓

扶

蘇案扶當據匾祐四年圓通殿記作扶从木旁鑰

扶字叔茂號梅麓景定建康志云樓扶端平中沿江制置司幹官秦州志云匾祐間知秦州軍事延祐四明志云靈應廟鄞人樓扶爲記

水龍吟

次清真梨花韻

素娥洗盡繁妝夜淡步月鞦韆地輕腮暈玉柔肌籠粉繡塵  
斂避霽雪畱香曉雲同夢昭陽宮閉悵仙園路杳曲闌人寂  
疏雨溼盈盈淚未放游蜂葉底怕春歸不禁狂吹象牀困  
倚冰魂微醒鶯聲喚起愁對黃昏恨催寒食滿襟離思想千

紅過盡一枝獨冷把梅花比

菩薩蠻

絲絲楊柳鶯聲近  
晚風吹過鞦韆影  
寒色一簾輕  
燈殘夢不成  
耳邊消息在  
笑指花梢待  
又是不歸來  
滿庭花自開

延祐四明志招寶山宋梅麓樓公扶登山沁園春云  
開闢以來便有此山獨當怒濤正秋空萬里寒催雁  
信塵寰一簇輕算鴻毛小可詩情尋常酒量到此應  
須分外豪難為水笑平生未有此番登高飄飄身躡  
金鰲歎終日風波無限勞看檣鳥縹緲帆歸遠浦塵  
魚雜沓網帶餘潮待約詩人相將月夜取次攜杯持  
酒螯乘棹意問誰人領解空立亭皋詞鐫崖石今不  
存

史介翁

介翁字吉父號梅屋

菩薩蠻

柳絲輕颺黃金縷  
織成一片紗窗雨  
鬪合做春愁  
困慵熏玉

簞 暮寒羅袖薄 社雨催花落 先自爲詩忙 薔薇一陣香

周端臣

端臣字彥良號葵窗武林舊事云御前應制

木蘭花慢

送人之宮九華

靄芳陰未解 乍天氣過元宵 訝客袖猶寒 吟窗易曉 春色無  
聊梅梢尚畱 顧藉滯東風未肯 雪輕飄 知道詩翁欲去 遞香  
要送蘭橈 清標會上 叢霄千里 阻九華遙 料今朝別後 他  
時有夢 應夢今朝河橋 柳愁未醒 贈行人又恐越魂銷 畱取  
歸來繫馬 翠長千縷 柔條

方輿勝覽云九華山在池州青陽縣界舊名九子山李白以峯如蓮花改名九華

玉樓春

華堂簾幙飄香霧一榻楚腰輕束素翩躚舞態燕還驚綽約  
妝容花盡妒樽前謾詠高唐賦巫峽雲深留不住重來花  
畔倚闌干愁滿闌干無倚處

楊子咸

子咸號學舟

木蘭花慢

雨中茶蘼

紫凋紅落後忽十丈玉虬橫望眾綠幃中藍田璞碎鮫室珠  
傾柔條繫風無力更不禁連日峭寒清空與蝶圓香夢枉教  
鶯訴春情 澹淡苔徑無人闌檻溼香塵歎寶髻鬆粉  
鉛狼藉誰管飄零不愁素雲易散恨此花開後更無春安得  
胡牀月夜玉醅滿蘸瑤英

楊恢

楸按別本作湯恢誤

恢字充之號西村眉山人

二郎神

用徐幹臣韻

瑣窗睡起閒立海棠花影記翠幟銀塘紅牙金縷杯泛梨  
花冷燕子銜來相思字道玉瘦不禁春病應蠅粉半銷鴉雲  
斜墜暗塵侵鏡還省香痕碧唾春衫都凝悄一似荼蘼玉  
肌翠帔消得東風喚醒青杏單衣楊花小扇閒卻晚春風景  
最苦是蝴蝶盈盈弄晚一簾風靜

揮塵餘話云徐伸字幹臣三衢人政和初以知音律為  
太常典樂出知常州嘗自製轉調二郎神云爾來彈鵲  
又覺碎一簾花影謾試著春衫還思纖手薰徹金虬燼  
冷動是愁端如何向但怪得新來多病嗟舊日沈腰如  
今潘鬢怎堪臨鏡重省別時淚滴羅襟猶疑想為我厭  
厭日高慵起長託春醒未醒雁足不來馬嘶難駐門掩

新女文言卷三

又又川



一庭芳景空伫立盡日闌干倚徧置  
長人靜既成會開  
封尹李孝壽來收吳門李以嚴治京兆號李閻羅道出  
郡下幹臣大合樂燕勞之喻羣娼令謳此詞必待其問  
乃止娼如戒歌至三四李果洵之幹臣覺頰云某頃有  
一侍婢色藝冠絕前歲以亡室不容逐去今聞在蘇州  
一兵官處屢遣信欲復來而今之主公斬之感慨賦此  
詞中所敘多其書中語適有天幸公擁麾於彼不審能  
爲我致之否李云此甚不難可無慮也既次無錫賓贊  
者請受謁次第李云郡官當至楓橋橋距城十里而遠  
翼日艤舟其所官吏上下望風股栗李一閱刺字忽大  
怒云都監在法不許出城乃亦至此使郡中萬一有火  
盜之虞豈不殆哉斥都監下階荷校送獄又數日取其  
供牘判奏字其家震懼求援宛轉哀鳴致懇李笑云且  
還徐典樂之妾了來理會兵官者解其指卽日承命然  
後舍之

### 倦尋芳

飴簫吹暖蠟燭分煙春思無限風到棟花二十四番吹徧煙  
溼濃堆楊柳色晝長閒墜梨花片悄簾櫳聽幽幽對語分明

如翦 記舊日西湖行樂載酒尋春十里塵輦背後腰肢彷彿畫圖曾見宿粉殘香隨夢冷落花流水和天遠但如今病厭厭海棠池館

滿江紅

小院無人正梅粉一階狼藉疏雨過溶溶天氣早如寒食曉鳥驚回芳草夢峭風吹淺桃花色漫玉爐沈水熨春衫花痕碧綠縠水紅香陌紫桂權黃金勒悵前歡如夢後遊何日酒醒香消人自瘦天空海闊春無極又一林新月照黃昏梨花白

祝英臺近

宿醒蘇春夢醒沈水冷金鴨落盡桃花無人掃紅雪漸催煮

酒園林單衣庭院春又到斷腸時節  
恨離別長憶人立茶  
糜珠簾捲香月幾度黃昏瓊枝爲誰折都將千里芳心十年  
幽夢分付與一聲唳鴉

又  
中秋

月如冰天似水冷浸畫闌溼桂樹風前醲香半狼藉此翁對  
此良宵別無可恨恨只恨古人頭白  
洞庭窄誰道臨水樓  
臺清光最先得萬里乾坤元無片雲隔不妨彩筆雲箋翠尊  
冰醞自管領一庭秋色

十里林  
八聲甘州

摘青梅薦酒甚殘寒猶怯苾蘿衣正柳腴花瘦綠雲冉冉紅  
雪霏霏隔屋秦箏依約誰品春詞回首繁華夢流水斜暉

寄隱孤山下但一瓢飲水淡掩苔扉羨青山有思白鶴忘  
機悵年華不禁搔首又天涯彈淚送春歸銷魂遠千山唳鵝

十里茶蘼

詞旨警句燕子銜來相思字道玉瘦不禁春病二郎神  
宿粉殘香隨夢冷落花流水和天遠倦尋芳都將千里  
芳心十年幽夢分付與一聲嗁鵝祝英臺近不妨彩筆  
雲箋翠尊冰醞自管領一庭秋色祝英臺近

活溪集眉山楊恢游活溪詞云碧崖倒影浸一片寒  
江如練正岸岸梅花村村修竹喚醒春風筆硯泝水  
舟輕輕如葉只消得溪風一箭看水部雄文太師健  
筆月寒波卷游倦片雲孤鶴江湖都徧慨金屋藏妖  
繡屏包禍欲與三郎痛辨回首前朝斷魂殘照幾度  
山花崖蘼無限都付窠尊漠漠水天遠按此詞甚佳

惜不著調名

柴望涼州鼓吹祝英臺近丁巳暮春訪楊西村湖上  
懷舊云小船兒雙去艣紅溼海棠雨燕子歸時芳草  
暗南浦自從翠袖香銷明璫聲斷怕回首舊尋芳處  
向誰語可憐金屋無人冷落鳳簫譜翠入菱花蛾眉  
爲誰無斷腸明月天涯春風海角恨不做楊花飛去

何光大

光大字謙履號平湖

謁金門

天似水池上蕩花風起隔岸垂楊青到地亂螢飛又止  
露溼玉闌閒倚人靜自生涼意泛碧沈朱供晚醉月斜纔去睡

趙潛

潛字元晉號冰壺潭州人忠靖公葵子咸圖中沿江制  
置使知建康府宋季三朝政要云廣王登極於福州改  
元景炎以趙潛為江西制置使進兵邵武山房隨筆云  
趙靜齋淮被執歿於瓜洲其兄冰壺潛自京口遷金陵  
北兵至棄家而避南徙不返死葬海旁山上

臨江仙

西湖春泛

隄曲朱牆近遠山明碧瓦高低好風二十四花期驕驄穿柳

去文艦挾春飛  
簫鼓晴雷殷  
殷笑歌香霧霏  
霏閒情不受  
酒禁持斷腸  
無立處斜日  
欲歸時

吳山青

水仙

金璞明玉璞  
明小小杯杓  
翠袖擎滿將  
春色盛  
仙珮鳴玉  
珮鳴雪月花  
中過洞庭此  
時人獨清

趙淇

淇字元建  
葵次子宋末  
直龍圖閣  
廣南東路發  
運使加右文  
殿修撰尚書  
刑部侍郎元  
至元開行省  
承制署廣東  
宣撫使入見  
世祖拜湖南  
道宣慰使卒  
贈湖廣行省  
參知政事追  
封天水郡公  
諡文惠有文集  
二十卷圖繪  
寶鑑云趙淇  
號平遠又號  
太初道人故  
合而曰平初  
又號靜華翁

謁金門

吟望直春在  
闌干咫尺山  
插玉壺花倒  
立雪明天混  
碧曉

露絲絲瓊滴虛揭一簾雲溼猶有殘梅黃半壁香隨流水急

詞旨警句春在闌干咫尺謁金門

毛珮

珮字元白號吾竹柯山人有吾竹小橐一卷

浣溪紗

桂

綠玉枝頭一粟黃碧紗帳裏夢魂香曉風和月步新涼  
倚畫闌懷李賀笑持玉斧恨吳剛素娥不嫁為誰妝

潘希白

希白字懷古號漁莊永嘉人寶祐中登第幹辦臨安府  
節制司公事德祐中起史館檢校不赴

大有 九日

戲馬臺前採花籬下問歲華還是重九恰歸來南山翠色依

舊簾櫳昨夜聽風雨都不似登臨時候一片宋玉情懷十分  
衛郎清瘦紅萸佩空對酒碁杵動微寒暗欺羅袖秋已無  
多早是敗荷衰柳強整帽簷鼓側曾經向天涯搔首幾回憶  
故國萸鱸霜前雁後

李珣

珣字元暉號鶴田吉水人年十二通書經召試館職除  
祕書正字批差充幹辦御前翰林司主管御覽書籍除  
閣門宣贊舍人初領應奉賜紫袍紅鞵小金帶一朝士  
寄之詩云上直朝朝紫禁深歸來無事只清吟不須更  
借頭銜看便是當年李翰林有雜著四集錢唐百詠行  
於世年八十九而終見成化吉安府志

擊梧桐 別西湖社友

楓葉濃於染秋正老江上征衫寒淺又是秦鴻過霽煙外寫

出離愁幾點年來歲去朝生暮落人似吳潮展轉怕聽陽關



曲奈短笛喚起天涯情遠  
雙展行春扁舟嘯晚憶著鷗湖  
鶯苑鶴帳梅花屋霜月後記把山扉牢掩惆悵明朝何處故  
人相望但碧雲半斂定蘇隄重來時候芳草如翦

都城紀勝云文士有西湖詩社非其他社集之比乃行都士夫及寓居詩人舊多名士

木蘭花慢

寄豫章故人

故人知健否又過了一番秋記十載心期蒼苔茅屋杜若芳  
洲天遙夢飛不到但滔滔歲月水東流南浦春波舊別西山  
暮雨新愁吳鉤光透黑貂裘客思晚悠悠更何處相逢殘  
更聽雁落日呼鷗滄江白雲無數約他年攜手上扁舟鴉陣  
不知人意黃昏飛向城頭

利登

登字履道號碧澗金川人著有巖臺二卷

風入松

斷蕪幽樹際煙平山外更山青天南海北知何極年年是匹  
馬孤征看盡好花結子暗驚新筍成林歲華情事苦相尋  
弱雪鬢毛侵十千斗酒悠悠醉斜河界白月雲心孤鶴盡邊  
天闊清猿唬處山淡

曹 遼

遼字擇可號松山武林舊事云御前應制

玲瓏四犯

茶蘼應制

一架幽芳白過了梅花猶占清絕露葉檀心香滿萬條晴雪  
肌素靜洗鉛華似弄玉乍離瑤闕看翠蚪白鳳飛舞不管莫

鴉嘯鳩 酒中風格天然別記唐宮賜尊芳冽玉麈喚得餘  
春住猶醉迷飛蝶天氣乍雨乍晴長是伴牡丹時節夜散瓊  
樓宴金鋪淡掩一庭春月

劉 瀾

瀾字養源號江村瀛奎律髓注云劉瀾天台人嘗爲道  
士還俗學唐詩有所悟干謁無成丙子年卒

慶宮春

重登蛾眉亭感舊

春翦綠波日明金渚鏡光盡浸寒碧喜溢雙蛾迎風一笑兩  
情依舊脈脈那時同醉錦袍溼烏紗敲側英游何在滿目青  
山飛下孤白 片帆誰上天門我亦明朝是天門客平生高  
興青蓮一葉從此飄然八極磯頭綠樹見白馬書生破敵百  
年前事欲問東風酒醒長笛

瑞鶴仙

海棠

向陽看未足更露立闌干日高人獨江空佩鳴玉問煙鬟霞  
臉爲誰膏沐情閒景淑嫁東風無媒自卜鳳臺高食伴吹笙  
驚下九天霜鵠紅蹙花開不到杜老溪莊已公茅屋山城  
水國歡易斷夢難續記年時馬上人酣花醉樂奏開元舊曲  
夜歸來駕錦漫天絳紗萬燭

齊天樂

吳興郡宴遇舊人

玉釵分向金華後回頭路迷仙苑落翠驚風流紅逐水誰信  
人閒重見花淡半面尚歌得新詞柳家三變綠葉陰陰可憐  
不似那時看劉郎今度更老雅懷都不到書帶題扇花信  
風高茗溪月冷明日雲帆天遠塵緣較短怪一夢輕回酒闌

歌散別鶴驚心感時花淚濺

張龍榮

龍榮字成子號梅淡

摸魚兒

又吳塵暗斑吟袖西湖淡處能沆晴雲片片平波影飛趁棹  
歌聲遠回首喚彷彿記春風共載斜陽岸輕攜分短悵柳密  
藏橋煙濃斷徑隔水語音換思量徧前度高陽酒伴離蹤  
悲事何限雙峯塔露書空穎情共莫鴉盤轉歸思嬾悄不似  
畱眠水國蓮花畔燈簾暈滿正蠹帙重緜沈煤半冷風雨閉  
宵館

錢唐

汪

沆

同校勘

陳

臯

趙楚歐西首變山崩岳春風共舞除國氣神謝不感謝聯  
父史與部換今斷西臨鄭靈滿新制楚中平也題張欽就

對魚昆

蕭榮子鳳子龍剛

通籍榮

趙楚歐西首變山崩岳春風共舞除國氣神謝不感謝聯  
父史與部換今斷西臨鄭靈滿新制楚中平也題張欽就

絕妙好詞箋卷六

弁陽老人周密原輯

宛平查為仁

同箋

錢唐厲鶚

鶚

李彭老

彭老字商隱號箕房景定建康志李彭老圖祐中江  
制置司屬官

木蘭花慢

正千門繫柳賜宮燭散青煙看秀靨芳脣塗妝暈色試盡春  
妍田田滿階榆莢弄輕陰淺冷似秋天隨處錫香杏暖燕飛  
斜鞦韆 朱絃幾換華年扶淺醉落紅前記舊時游冶燈  
樓倚扇水院移船吟邊夢雲飛遠有題紅都在薛濤牋聽絕  
殘簫倦笛夜堂明月窺簾

壺中天

登寄閒吟臺

青飈蕩碧喜雲飛寥廓清透涼宇倦鵲驚翻臺榭迴葉葉秋  
聲歸樹珠斗斜河冰輪輾霧萬里青冥路薌深屏翠桂邊滿  
袖風露 煙外冷逼玻瓈漁郎歌杳擊空明歸去怨鶴知更  
蓮漏悄竹裏篩金簾戶短髮吹寒閒情吟遠弄影花前舞明  
年今夜玉樽知醉何處

高陽臺

落梅

飄粉杯寬盛香袖小青青半掩苔痕竹裏遮寒誰念減盡芳  
雲么鳳叫晚吹晴雪料水空煙冷西冷感凋零殘縷遺鈿迤  
邐成塵 東園曾趁花前約記按箏籌酒戲挽飛瓊環珮無  
聲草暗臺榭春深欲倩怨笛傳清譜怕斷霞難返吟魂轉銷



凝點點隨波望極江亭

法曲獻仙音

官圃賦梅繼草窗韻

雲木槎枒水蕩搖落瘦影半臨清淺翠羽迷空粉容羞曉年  
華柱絃頻換甚何遜風流在相逢共寒晚 總依黯念當時  
看花遊冶曾錦纜移舟寶箏隨輦池苑鎖荒涼嗟事逐鴻飛  
天遠香徑無人甚蒼蘚黃塵自滿聽鴉唬春寂暗雨蕭蕭吹  
怨

一萼紅

寄弁陽翁

過薔薇正風喧雲澹春去未多時古岸停橈單衣試酒滿眼  
芳草斜暉故人老經年賦別鐙暈裏相對夜何其泛剡清愁  
買花芳事一卷新詩 流水孤帆漸遠想家山猿鶴喜見重

歸北阜尋幽青津問釣多情楊柳依依最難忘吟邊舊雨數  
菖蒲老是來期幾夕相思夢蝶飛繞蘋溪

林案喧當作暄

高陽臺

寄題蓀壁山房

石筍埋雲風篁嘯晚翠微高處幽居縹緲雲籤人間一點塵  
無綠淡門戶嗁鴉外看堆牀寶晉圖書儘蕭閒浴研臨池滴  
露研朱 舊時曾寫桃花扇弄霏香秀筆春滿西湖松菊依  
然柴桑自愛吾廬冰絃玉麈風流在更秋蘭香染衣裾照窗

明小字珠璣重見歐虞

佩楚軒客談云金應柱字之雅標度能歐書受知賈

似道居西湖南山中築蓀壁山房左弦右壺中設圖史  
客至撫摩諦玩清談纏纏每肩輿入城府幅巾筆衣望  
之若神仙然

採芳訊

湖上春遊繼草窗韻

對芳晝甚怕冷添衣傷春疏酒正緋桃如火相看自依舊別  
簾淡掩梨花雨誰問東陽瘦幾多時漲綠鶯枝墮紅鴛鴦  
隄上寶鞍驟記草色薰晴波光搖岫蘇小門前題字尚存否  
繁華短夢隨流水空有詩千首更休言張緒風流似柳

祝英臺近

杏花初梅花過時節又春半簾影飛梭輕陰小庭院舊時月  
底鞦韆吟香醉玉曾細聽歌珠一串忍重見描金小字題  
情生綃合歡扇老了劉郎天遠玉簫伴幾番鶯外斜陽欄杆  
倚徧恨楊柳遮愁不斷

躡莎行

題草窗十擬後

紫曲迷香綠窗夢月芳心如對春風說蠻牋象管寫新聲幾

番曾試瓊壺缺

一作缺

庾信書愁江淹賦別桃花紅雨梨花

雪周郎先自足風流何須更擬秦笙咽

浪淘沙

潑火雨初晴草色青青傍簷垂柳賣春飴畫舫載花花解語  
綰燕吟鶯簫鼓入西冷一片輕陰鈿車羅蓋競歸城別有  
水窗人喚酒弦月初生

四字令

蘭湯晚涼鸞釵半妝紅巾賦雪吹香擘蓮房賭雙  
羅紈素

瑤冰壺露牀月移花影西廂數流螢過牆

生查子

羅襦隱繡茸玉合銷紅豆溪院落梅鈿寒峭收燈後  
心事

卜金錢月上鶯黃柳拜了夜香休翠被聽春漏

詞旨屬對紫曲迷香綠窗夢月暗雨敲花柔風過柳  
警句明年今夜玉尊知醉何處惹中天閒簾淡掩梨花

雨誰問東陽瘦探芳訊幾番鶯外斜陽闌干倚徧恨楊  
柳遮愁不斷祝英臺近

樂府補題李彭老天香賦龍涎香云搗麝成塵薰薇  
注露風酣百和花氣品重雲頭葉翻蕉樣共說內家

新製波浮海沫誰喚覺鮫人春睡清潤俱饒片腦芬  
氲半是沈水相逢酒邊雨外火初溫翠爐香細不似

寶珠金縷領巾紅墜荀令如今憔悴銷未盡當時愛  
香意燼煖鏡寒秋聲素被摸魚兒賦萼云過垂虹四

橋飛雨沙痕初漲春水鯉波十里吳歛遠綠蔓半縈  
船尾連復碎愛滑卷青綃香裊冰絲細山人雋味笑

比老無情香羹碧淵空祇賦芹美歸期早誰似季鷹  
高致鱖魚相伴菰米紅塵如海邱園夢一葉又秋風

起湘湖外看采蘋芳條際曉隨魚市舊游漫記但望  
裏江南秦鬟賀鏡渺渺隔煙水

吳文英夢窗乙稟絳都春為李箕房量珠賀云情黏  
舞綫悵駐馬灞橋天寒人遠旋翦露痕移得春嬌栽

瓊苑疏鶯浪語煙中怨恨三月飛花零亂豔陽歸後  
紅藏翠掩小坊幽院誰見新腔按徹背燈暗共倚簷

屏蕙舊繡被  
夢輕金屋  
夢淡沈香  
換梅花重洗  
春風  
面正溪上  
參橫月轉  
並禽飛上  
金沙瑞香  
霧煖

### 李萊老

萊老字周隱號秋崖新定續志嚴州知州李萊老咸淳  
六年任

### 惜紅衣 寄弁陽翁

笛送西冷帆過杜曲  
晝陰芳綠門巷清風  
還尋故人書屋蒼  
華髮冷笑瘦影相看  
如竹幽谷煙樹曉鶯  
訴經年愁獨殘  
陽古木書畫歸船  
怱怱又南北  
嘗洲鷗鷺素熟舊盟  
續甚日  
浩歌招隱聽雨弁陽  
同宿料重來時候香  
蕩幾灣紅玉

### 青玉案 草窗詞卷

吟情老盡江南句  
幾千萬垂絲縷  
花冷絮飛寒食路  
漁煙鷗

雨燕昏鶯曉  
總入昭華譜  
紅衣妝靚涼生渚  
環碧斜陽舊

時樹拈葉分題觴詠處荀香猶在庾愁何許雲冷西湖賦

揚州慢 瓊花次韻

玉倚風輕粉凝冰薄土花祠冷無人聽吹簫月底傳暮草金  
城笑紅紫紛紛成雨邈空如蝶肯墮珠塵歎而今杜郎還見  
應賦悲春 佩環何許縱無情鶯燕猶驚悵朱檻香銷綠屏  
夢杳腸斷瑤瓊九曲迷樓依舊沈沈夜想覓行雲但荒煙幽  
翠東風吹作秋聲

山房隨筆云揚州瓊花天下祇一本士大夫愛重作亭  
花側榜曰無雙德祐乙亥北師至花遂不榮趙棠國炎  
有絕句弔曰名擅無雙氣色雄忍將一死報東風他年  
我若脩花史合傳瓊妃烈女中

謁金門

春意態閒卻遠山橫黛香徑莓苔嗟粉壞鳳鞞雙鬪綵 折

得花枝嬾戴猶戀鴛鴦飛蓋舊恨新愁都只在東風吹柳帶

浪淘沙

榆火換新煙翠柳朱簷東風吹得落花顛簾影翠梭懸繡帶  
人倚鞦韆猶憶十年前西子湖邊斜陽催入畫樓船歸醉  
夜堂歌舞月拚卻春眠

生查子

妾情歌柳枝郎意憐桃葉羅帶結同心誰信愁千結樓上  
數殘更馬上看新月繡被怨春寒怕學鴛鴦疊

高陽臺

落梅

門掩香殘屏搖夢冷珠鈿糝綴芳塵臨水攀花流來疑是行  
雲蘇梢空挂淒涼月想鶴歸猶怨黃昏黯銷疑人老天涯雁



影沈沈 斷腸不在聽橫笛在江皋解佩翳玉飛瓊煙溼荒  
村背春無限愁淡迎風點點飄寒粉恨秋孃滿袖嗁痕更闌  
情青子懸枝綠樹成陰

木蘭花

寄題蓀壁山房

向煙霞堆裏著吟屋最高層望海日翻紅林霏散白猿鳥幽  
淡雙岑倚天翠溼看浮雲收盡雨還晴曉色千松逗冷照人  
眼底長青 閒情玉塵風生暮繭字校驚經愛靜繡緜帙芸  
臺斐几荷製藹纓分明管人舊隱掩巖扉月午籟沈沈三十  
六梯樹杪遡空遙想登臨

清平樂

綠窗初曉枕上聞嗁鳥不恨王孫歸不早只恨天涯芳草

腸  
錦書紅淚千行一春無限思量折得垂楊寄與絲絲都是愁

臺城路

寄弁陽翁

半空河影流雲碎亭皋嫩涼收雨井葉還驚江蓮亂落弦月  
初生商素堂深幾許漸爽入雲幙翠綃千縷紈扇恩疏晚螢  
光冷照窗戶  
文園憔悴頰老又西風暗換絲鬢無數鏡外  
殘碓琴邊瘦枕一一情傷遲暮故人勸旅料渭水長安感時  
吟苦政自多愁砌蛩終夜語

浪淘沙

寶押繡簾斜鶯燕誰家銀箏初試合琵琶柳色春羅燕袖小  
雙戴桃花  
芳草滿天涯流水韶華晚風楊柳綠交加閒倚

闌干無藉在數盡歸鴉

杏花天

年時中酒風流病正雨暗  
靡蕪淡徑人家寒食煙初禁  
狼藉梨花雪影西湖夢紅沈  
翠冷記舞板歌裙厮趁斜陽  
苦與黃昏近生怕畫船歸盡

小重山

畫簷簪柳碧如城一簾風雨  
裏過清明吹簫門巷冷無聲  
梨花月今夜負中庭遠岫斂  
脩嘆春愁吟入譜付鶯鶯紅塵  
沒馬翠埋輪西冷曲歡夢絮  
飄零

詞旨警句歸醉夜堂歌舞月拚卻春眠浪淘沙  
詞張漁煙鷗雨燕昏鶯曉

應灑孫

瀧孫字堯成號芝室

霓裳中序第一

愁雲翠萬疊露柳殘蟬空抱葉簾捲流蘇寶結乍庭戶嫩涼  
闌干微月玉纖勝雪委素紈塵鎖香篋思前事鶯期燕約寂  
寞向誰說悲切漏籤聲咽漸寒爐蘭釭未滅良宵長是閒  
別恨酒凝紅綃粉浣瑤玦鏡盟鸞影缺吹笛西風數闋無言  
久和衣成夢睡損縷金蝶

賀新郎

宿霧樓臺溼曉晴初花明柳潤燕飛鶯集舊約重來歌舞地  
畱得豔香嬌色又夢草東風吹碧午困騰騰春欲醉對文楸  
玉子無心拾看蝶舞傍花立酒痕未醒愁先入記年時翠

樓寒淺寶笙慵吸想駐馬河橋分別恨輕竹風颿煙笠早塵  
暗華堂簾隙倚盡黃昏人獨自望江南回雁歸雲急憑付與  
錦箋墨

王億之

億之字景陽號松閒

高陽臺

雙槩敲冰低篷護冷扁舟曉渡西冷回首吳山微茫遙帶重  
城隄邊幾樹垂楊柳早嫩黃搖動春情問孤鴻何處飛來共  
喚飄零輕帆初落沙洲暝漸潮痕雨漬面色風皺旅思羈  
愁偏能老大行人姁娥不管征途苦甚夜深儘照孤衾想玉  
樓猶凭闌干爲我銷凝

余桂英

桂英字子發號野雲

小桃紅

芳草連天暮斜日明汀渚懊恨東風恍如春夢恩恩又去早  
知人酒病更詩愁鎮輕隨飛絮寶鏡空畱恨箏雁渾無據  
門外當時薄情流水如今何處正相思望斷碧山雲又鶯囀

晚雨

胡仲弓

仲弓字希聖號葦航清源人其弟仲參希道有竹莊小  
集仇山村多與葦航湖山酬和之作蓋亦杭之流寓也

謁金門

蛾黛淺只爲晚寒妝嬾潤逼鏡鸞紅霧滿額花畱半面漸

次梅花開徧花外行人已遠欲寄一枝嫌夢短溼雲和恨翦

尙希尹

希尹字莘老號畏齋

浪淘沙

結客去登樓誰繫蘭舟半篙清漲雨初收把酒畱春春不住  
柳暗江頭老去怕閒愁莫莫休休晚來風惡下簾鉤試問  
落花隨水去還解西流

柴望

望字仲山號秋堂又號歸田衢之江山人嘉熙中爲太  
學上舍除中書省奏名澶祐丙午元旦日蝕詔求直言  
乃撰丙丁龜鑑十一卷起周威烈王五十年丙午止後  
漢高祖天福十二年丁未數其吉凶禍福於前指其治  
亂得失於後書成上之忤時相詔下府獄大尹趙節齋  
疏救放歸景炎二年以布衣特旨授迪功郎史館編校

宋七自號宋逋臣與其從弟通判隨亨制參元亨察推  
元彪稱柴氏四隱有道州台衣集一卷涼州鼓吹一卷

### 念奴嬌

春來多困正暑移簾影銀屏淡閉喚夢幽禽煙柳外驚斷巫  
山十二宿酒初醒新愁半解惱得成顛頓鬢鬆雲鬢不忺鸞  
鏡梳洗門外滿地香風殘梅零落玉糝蒼苔碎乍暖乍寒  
渾莫擬欲試羅衣猶未鬪草雕欄買花淡院做踏青天氣晴  
鳩鳴處一池昨夜春水

### 朱藻

藻號野逸

### 採桑子

障泥油壁人歸後滿院花陰樓影沈沈中有傷春一片心



閒穿綠樹尋梅子斜日籠明團扇風輕一徑楊花不避人

黃鑄

鑄字晞顏號乙山邵武人官柳州守

秋蘂香令

花外數聲風定煙際一痕月淨水晶屏小欹翠枕院靜鳴蜩  
相應香銷斜掩青銅鏡背燈影空砧夜半和雁陣秋在劉  
郎綠鬢

王同祖

同祖字與之號花洲金華人景定建康志王同祖奉議  
郎道祐中建康府通判次添差沿江制置司機宜文字  
有學詩初集一卷

阮郎歸

一簾疏雨細於塵  
春寒愁殺人  
桐花庭院近  
清明新煙浮  
舊城尋蝶夢  
怯鶯聲  
柳絲如妾情  
丙丁帖子畫  
教成妝臺求

晚晴

王茂孫

茂孫字景周號梅山

高陽臺

春夢

遲日烘晴輕煙縷  
畫瑣窗雕戶慵開  
人獨春閒金猊暖  
透蘭煤山屏緩倚  
珊瑚畔任翠陰移  
過瑤階悄無聲綵  
翅翩翩何處飛來  
片時千里江南路  
被東風誤引還近  
陽臺賦雨嬌雲多  
情恰喜徘徊無端  
枝上嘯鳩喚便等  
閒孤枕驚回惡情  
懷一院楊花一徑  
蒼苔

點絳脣 蓮房

折斷煙痕翠蓬初離鴛鴦浦玉纖相妒翻被專房誤  
乍脫  
青衣猶著輕羅護多情處芳心一縷都爲相思苦

王易簡

易簡字理得號可竹山陰人登進士除瑞安簿不赴隱居城南有山中觀史吟

齊天樂

客長安賦

宮煙曉散春如霧參差護晴窗戶柳色初分錫香未冷正是  
清明百五臨流笑語映十二闌干翠嚙紅妒短帽輕鞍倦游  
曾徧斷橋路東風爲誰媚嫵歲華頻感慨雙鬢何許前度  
劉郎三生杜牧贏得征衫塵土心期暗數總寂寞當年酒籌  
花譜付與春愁小樓今夜雨

醉江月

暗簾吹雨怪西風  
梧井淒涼何早一寸柔情  
千萬縷臨鏡霜痕  
驚老雁影關山蛩聲  
院宇做就新懷抱  
湘皋遺珮故人空  
寄瑤草已是搖落堪悲  
飄零多感那更長安道  
衰草寒蕪吟未盡  
無那平煙殘照千古閒愁  
百年往事不了黃花笑  
漁樵溪處滿庭紅葉休掃

慶宮春

謝草窗惠詞卷

庭草春遲汀蘋香老  
數聲珮悄蒼玉年晚  
江空天寒日莫壯  
懷聊寄幽獨倦遊多  
感更西北高樓送目  
佳人不見慷慨悲  
歌夕陽喬木紫霞洞  
窅雲深嫋嫋餘音鳳  
簫誰續桃花賦  
在竹枝詞遠此恨年年  
相觸翠櫺芳字謾重省  
當時顧曲因

君凝竚依約吳山半痕蛾綠

詞旨警句參差護晴窗戶齊天樂心期暗數總寂莫當年酒籌花譜付與春愁小樓今夜雨同上

詞眼翠輦紅奴

樂府補題王易簡摸魚兒賦葦云怪鮫宮水晶簾卷冰痕初斷香縷澄波盪粲人初到三十六陂煙雨春又去作點點荷錢隱約吳中路相思日暮恨洛浦娉婷芳鈿翦翠圍影照淩楚功名夢消得西風一度高人今在何許鱸香菰冷斜陽裏多少天涯意緒誰記取但枯鼓紅鹽溜玉凝秋箸尊前起舞算惟有淵明黃花歲晚此與共千古齊天樂賦蟬云翠雲淡鎖齊姬恨纖柯暗翻冰羽錦瑟重調納衣乍著聊飲人閒風露相逢甚處記槐影初涼柳陰新雨聽盡殘聲爲誰驚起又飛去商量秋信最早晚來吟未徹都是淒楚斷韻還連餘悲似咽欲和愁邊佳句幽期誰語恨寒葉凋零蛻痕塵土古木斜暉向人懷抱苦

張桂

桂字惟月號竹山循平從子恭簡公四世孫有文曰慚

藁

菩薩蠻

東風忽驟無人見  
玉塘煙浪浮花片  
步澤下香階  
苔黏金鳳鞵  
翠鬟愁不整  
臨水問窺影  
摘得野薔薇  
游蜂相趁歸

浣溪紗

雨壓楊花路半乾  
蜂遺花粉在欄杆  
牡丹開盡正春寒  
嬾品么絃金雁並  
瘦驚雙劍玉魚寬  
新愁不放翠眉間

張 磐

磐字叔安號梅崖宋末為嵬令有梅崖集

綺羅香

漁浦有感

浦月窺檐松泉漱枕屏裏吳山何處暗粉疏紅依舊為誰勻  
注都負了燕約鶯期更問卻柳煙花雨縱十分春到郵亭賦

懷應是斷腸句  
青青原上薺麥還被東風無賴翻成離緒  
望極天西惟有隴雲江樹斜照帶一縷新愁盡分付暮潮歸  
去步閒階待卜心期落花空細數

會稽志云漁浦在蕭山縣西三十里十道志云舜漁處也

浣溪紗

習習輕風破海棠鞦韆移影上迴廊畫長蝴蝶爲誰忙  
度柳早鶯分暖綠過花小燕帶春香滿庭芳草又斜陽

詞旨警句暗粉疏紅依舊爲誰勻注都負了燕約鶯期更閒卻柳煙花雨綺羅香

張林

林字去非號樗巖至正金陵新志云張林池州守大軍至迎降

唐多令

金勒鞞花驄故山雲霧中翠蘋洲先有西風可惜嫩涼時枕  
簟都付與舊山翁雙翠合眉峯淚華分臉紅向樽前何太  
惓惓纔是別離情便苦都莫問淡和濃

更柳梢青 燈花

白玉枝頭忽看蓓蕾金粟珠垂半顙安榴一枝濃杏五色薔  
薇何須羯鼓聲催銀釭裏春工四時卻笑燈蛾學他蜂蝶

照影頻飛

景定建康志傍巖張林柳梢青題金陵烏衣園云燕  
里花深鷺汀雲淡客夢江皋日日言歸淮山笑我塵  
鎖征袍幾回把酒憑高闌干外魂飛暮濤只有南園  
一番風雨過了櫻桃

朱昂孫

昂廣韻所去切音諫明也高氏刊本作鼎誤

昂孫字令則號萬山



眞珠簾

春雲做冷春知未  
春愁在碎雨敲花聲裏  
海燕已尋蹤到畫  
溪沙際院落鞦韆楊柳外  
待天氣十分晴  
霽春市又青帘巷  
陌紅芳歌吹  
須信處處東風又何妨  
對此籠香覓醉曲盡  
索餘情奈夜航  
催離夢滿冰衾  
身似寄算幾度吳鄉  
煙水無  
寐試明朝說與西園桃李

吳大有

大有字有大號松壑  
峨人寶祐間遊太學  
率諸生上書言賈似道  
奸狀退處林泉與林  
昉仇遠白珽等七人以  
詩酒相娛元初辟為  
國子檢閱不赴有松  
下偶抄雪後清音歸  
來幽莊等集

點絳脣

送李琴泉

江上旗亭送君還是逢君  
處酒闌呼渡雲壓沙鷗暮  
漠漠

蕭蕭香凍梨花雨添愁緒斷腸柔櫓相逐寒潮去

### 張炎

炎字叔夏西秦人循王之後居杭號玉田又號樂笑翁有詞源二卷山中白雲八卷

鄭所南云議張玉田先輩喜其三十年汗漫南北數千

里一片空狂懷抱日日化雨為醉白仰扳姜堯章史邦

卿盧蒲江吳夢窗諸名勝互相鼓吹春聲於繁華世界

能令後三十年西湖錦繡山水猶生清響

仇山村云山中白雲詞意度超元律呂協洽當與白石

老仙相鼓吹

舒閩風云玉田詩有姜堯章淡婉之風詞有周清真雅

麗之思畫有趙子固瀟灑之意

養拙夜飲客有彈箏篴者即事以賦

### 壺中天

瘦筇訪隱正繁陰閒鎖一壺幽綠喬木蒼寒圖畫古窈窕人

行韋曲鶴響天高水流花淨笑語通華屋虛堂松外夜溪涼

氣吹燭樂事楊柳樓心瑤臺月下有生香堪掬誰理商聲

簾戶悄蕭颯懸璫鳴玉一笑難逢四愁休賦任我雲邊徂倚  
闌歌罷露螢飛下秋竹

渡江雲

次趙元父韻

錦蕪繚繞地涼燈挂壁簾影浪花斜酒船歸去後轉首河橋  
那處認紋紗重盟鏡約還記得前度秦嘉惟只有葉題緘付  
流不到天涯 驚嗟十年心事幾曲闌干想蕭郎聲價問過  
了黃昏時候疏柳唳鴉浦潮夜涌平沙白遡斷鴻知落誰家  
書又遠空江片月蘆花

甘州

餞草窗西歸

記天風飛珮紫霞邊顧曲萬花淡怪相如遊倦杜陵愁老還  
歎飄零短夢恍然今昔故國十年心回首三三徑松竹成陰

不恨片帆南浦只恨翦燈聽雨誰伴孤吟料瘦筇歸後閒  
鎖北山雲是幾番柳邊行色是幾番同醉古園林煙波遠筆  
牀茶竈何處逢君

詞旨樂笑翁奇對隨花發石就泉通沼斷碧分山空簾  
剩月沙淨草枯水平天遠接葉巢鶯平波捲絮晴光轉  
樹曉氣分嵐鶴響天高水流花淨料理琴書夷猶今古  
款竹門淡移花檻小掃花尋徑撥葉通池亂雨敲春淡  
煙帶晚開簾過雨隔水呼燈浪捲天浮山邀雲去岸角  
衝波籬根聚葉波蕩蘭觴鄰分杏酪雲映山輝柳分溪  
影荷衣銷翠蕙帶餘香香尋古字譜招歌聲行歌趁月  
喚酒延秋穿花覓路傍柳尋鄰門當竹徑路管臺城鬢  
絲溼霧扇錦翻桃因花整帽借柳維船  
警句和雲流出空山甚年年淨洗花香不了南浦春水  
寫不成書只寄得相思一點解連環孤雁纔放些情意  
早瘦了梅花一半也知不作花看東風何事吹散探春  
慢雪霽見說新愁如今也到鷗邊高陽臺西湖莫開簾  
怕見飛花怕聽嘯鷗同上須待月許多情都付與秋聲  
聲慢西湖幾日不來一片蒼雲未掃掃花游疏寮東墅  
春風不柰垂楊柳吹卻絮雲多少齊天樂鑑曲漁舍

會飲帶天香吹動一身秋八聲甘州贈桂卿茂樹石牀  
因坐久又卻被清風畱住真珠簾近雅軒卽事忍不作  
低低問春慶宮春都下寒食不知能聚愁多少霜葉飛  
聞老妓歌

鄧牧伯牙琴云叔夏春水一詞絕唱今古人以張春  
水目之

至正直記錢唐張叔夏嘗賦孤雁詞有寫不成書只  
寄得相思一點人皆稱之曰張孤雁

詞旨蘄王孫韓鑄字亦顏學詞於樂笑翁一旦與周  
公謹買舟西湖泊荷花而飲酒杯半公謹舉似亦顏

學詞之意翁指花云蓮子結成花自落  
珊瑚網元姑蘇汾湖居士陸行直輔之有家妓名卿

卿以才色見稱友人張叔夏爲作古清平樂贈之云  
候蟲悽斷人語西風岸月落沙平流水漫驚見蘆花

來雁可憐瘦損蘭成多情應爲卿卿只有一枝梧葉  
不知多少秋聲後二十一載行直以翰林典籍致政

歸則叔夏卿卿皆下世矣行直作碧梧蒼石圖并書  
張詞於卷端且和之云楚天雲斷人隔瀟湘岸往事

悠悠江水漫怕聽樓前新雁淡閨舊夢還成夢中獨  
記憐卿依約相思碎語夜涼桐葉聲聲

# 趙崇霄

崇霄字有得號蓮舉宋史宗室世系表商王元汾九世孫汝慵子

東風第一枝

如雪梅甦迷煙柳醒游絲輕颺新霽捲簾看燕初歸步屐爲  
花早起春來猶淺便做出十分春意喜鳳釵纔卸珠幡早換  
巧梳描翠 著數點催花雨賦更一陣遞香風細小鶯吹暖  
調聲嫩蝶試晴舞翅清歡易失怕輕負年芳流水好趁閒共  
整吟鞦日日訪桃尋李

范晞文

晞文字景文號藥莊錢唐人太學生理宗時與葉李上  
書詆賈似道竄瓊州入元以程鉅夫薦擢江浙儒學提  
舉轉長興丞有藥莊廢橐又對牀夜話五卷馮淡居序

意難忘

清淚如鉛歎咸陽送遠露冷銅仙巖  
花紛墮雪津柳暗生  
寒食後莫江邊草色更芊芊  
四十年畱春意緒不似今年  
山陰欲棹歸船暫停杯  
雨外舞劒燈前重逢應未卜  
此別轉堪憐  
憑急管倩繁絃  
思苦調難傳望故鄉  
都將往事付與嗁鵑

### 鄭斗煥

斗煥字丙文號松窗

### 新荷葉

乳鴨池塘晴波漾  
綠鱗鱗宿藕根香  
夏來生意還新  
蚨錢小  
鈿花貼翠相間  
萍星一番雨過  
一番暗展圓青  
魚戲龜游  
看來猶未勝情  
因憶年時垂釣  
曾約輕盈玉人  
何處關情是

半捲芳心簾風一棹鴛鴦催起歌聲

曹良史

良史字之才號梅南錢唐人有梅南摘橐

江城子

夜香燒了夜寒生掩銀屏理銀箏一曲春風都是斷腸聲杜

宇欲噓楊柳外愁似海思如雲背燈暗卸乳鷺裙酒初醒

夢初醒蘭炷香篝誰為暖羅衾二十四簾人悄悄花影碎月

痕淡

方回桐江集跋曹梅南詩詞三摘云曹君良史錢唐

人衣冠佳盛湖傲山酬則有咸淳詩摘兵火變遷江

淮奔走則有梅南詩摘句如雲生畫佛壁葉落病僧

房闕來閉門處認得讀書聲牆圍敗屋知無主風響  
荒林似有人溪樹月昏神火出斷煙雪霽獵人回展  
轉征旗戰鼓十年間筆力益老矣至如縷冰詞摘則



以詩之餘演爲雕刻流麗之作以至寶丹之字料生  
薑白之文法寄於少游美成之聲調

### 董嗣皋

嗣皋字明德號靜傳杭人後入道改名思學字無益有  
百花詩集西湖百詠

### 湘月

蓮幽竹邃舊池亭幾處多愛君子醉玉吹香還認取忙裏得  
閒標致心逐雲帆情隨煙笛高會知誰繼宵筵會啟驀然身  
外浮世因見杜牧疏狂前緣夢裏謾蹙雙眉翠香滿屏山  
春滿几爐擁麝焦禽睡月落梅空霜濃窗掩兩耳風聲起豔  
歌終散輸他鶴帳清寐

錢唐

汪沆

陳皋

同校勘